

祿豐縣志卷之一

知祿豐縣事關中劉自唐纂輯

星野

滇南去京都萬餘里祿豐僅蕞爾一隅上古以前多無可考按天文雲省屬井鬼分野祿豐距府二百餘里星分亦與諸群同

氣候

五代時祿邑草木懋蔚天氣炎熱多瘴

本朝人烟漸稠山明土熱冬不過寒夏不過暑

祿豐縣舊志一冊

十一

與省會畧同九十月晴五六月雨四時皆有菜果花木七月食新穀

沿革

唐虞時為昧谷之已通中國夏時禹敷水土縣在禹貢梁州之域殷因平夏仍屬梁州周合梁於雍隸雍州戰國時楚莊躋略地稱王都白崖號滇國縣曰名甸白村漢武帝遣唐蒙司馬相如通西南彝建益州縣隸馬東漢因之三國時蜀後主建興二年諸葛亮征服孟獲改益州群

為建寧郡晉武帝分益州置甯以螳川西連然  
白村等七縣屬之成帝咸康為永昌郡南北朝  
劉宋復設寧州刺史即令晉寧州領連然等迤  
西五十一縣齊島寧州鎮隨屬昆州即昆明縣  
其時縣地瘴熱犬酋不居惟烏雜蠻築驥琮籠  
居之令縣轄姚陵是也唐初蒙氏分立六詔而  
閣羅鳳最強并而為一封雲南王及明皇開元  
遣何履光定南詔復置郡縣後閣羅鳳叛命阿  
哀分治其地營土墉以守呼為巔哀城令南古

城其遺趾也五代時南詔臣保德侯高智昇使  
子高義勝治之仍隸昆州宋王全斌平蜀欲乘  
勝取南詔繪地圖以獻太祖鑒唐之禍舉玉斧  
畫大渡以西曰此外非吾有矣元憲宗遣弟忽  
必烈取南詔屯師白甸屬雲南安甯千戶所至  
十二年分驥琮籠等為上鄉米糴為二鄉老鴉  
關為三鄉置祿豐縣明洪武十三年太祖隸命  
隸川侯傅友德西平侯沐英永昌侯籃玉征雲  
南畧獲縣地然後迤西之路始通設縣令一典

史一訓導一南平關巡檢隸焉  
本朝順治己亥全滇盡入版圖聲教四訖官制  
里甲悉準諸舊康熙二十一年沐莊歸併二十  
五年裁衛歸縣先是屯衛科徵則例轻重不等  
徵輸維艱康熙三十五年撫軍石  
題請屯糧照河陽縣民賦上則例起科輸納

### 疆域

縣境與安甯羅次武定廣通南安易門各府州  
縣繡壤相錯有近於縣而屬鄰封者有近於鄰

祿豐縣舊志一冊

十三

封而屬縣治者計其道里東距雲南二百一十  
里安甯一百四十里由南門十餘里接羅次煉  
樹舖三十五里經煉象堡抵楊老哨白寒廠四  
十五里方屬縣境中間屬有羅次之清水溝越  
七十里至老鴉關尋安甯祿腓之西門交界蓋  
八十里也西距廣通一百三十里至六里箐界  
僅三十里耳南接易門一百二十里北接武定  
一百五十里東北至羅次八十里皆山嶇險境  
羊腸鳥道漢少彝多地廣村稀雲屬州縣之遼

潤莫過於此

形勢

祿邑為迤西咽喉往來輻輳源分星野脉祖九龍背負五臺層崖聳插天之壁面環和嶺秀嶂列屏錦之奇烟靄雲聯礪山帶水自西而東者舉目驚為異觀

山水關哨津梁附

五臺山

在縣北五十里

祿豐縣舊志一冊

十四

姚陵山

在縣北五十里舊名驥琮籠孤峯獨秀巔有泉古寨存焉

象頭山

在縣北十里

西山

在縣西三里即今建學宮處也

三次和山

在縣西五里蒼翠如屏

南平山

在縣西二十里三面陡峻峰南稍  
星宿江因江中星宿滾滾之句遂名焉

在縣河清門外發源武定至縣則浩大汪洋  
達沅江注交趾入南海造有星宿橋

東河

在縣北里許發源羅次至縣投星宿江造有  
飛虹橋

南河

祿豐縣舊志一冊

十五

在縣南十里係山澗之水投入大河造有啟  
明橋

南平關

在縣西二十里崇山峻嶺接廣通蘭谷關係  
迤西要隘舊設土巡檢一員土兵四十三戶  
防守巡輯併遞送犯餉鞘

老鴉關

在縣東七十里即縣轄三鄉官族往來停宿  
之處有公署一所

啓明橋

在縣南十里明崇楨間麗江木土府建修霽  
雨淋漓會諸山之水遂成灑瀚之勢不數里  
滙於西河

星宿橋

古稱星宿江長流洶湧當夏秋之交洪波急  
濤渡舟者多胥溺之虞明萬歷間縣令向兆  
麟詳請建修大橋始於壬子冬竣於甲寅秋  
長三十丈濶四丈計硎從茲履若坦途民不

祿豐縣舊志一冊

十六

病涉

本朝康熙三十九年秋積雨泛漲衝塌二硎四  
礮縣令丁宗閔申詳批檄迤西文武衙門  
公捐修葺至四十二年復衝壞 各憲委  
員復修補四十六年復衝斷行者舟渡維  
艱 藩司劉蔭樞親勘議修因

巡撫黔省東行不果四十九年縣令劉自唐  
詳明

各憲捐銀三百兩有奇縣令會竭千餘金親

身督率中建龍王廟鑄造鐵牛三隻於五  
十一年四月告成備載碑記

### 飛虹橋

在縣北里許為黑琅兩鹽井要津天

啟間邑紳王錫袞建石橋三硿至康熙壬  
子傾圯南中二硿鹽道郭廷弼捐銀五十  
金并飭兩井勦其事易建木橋上覆以屋  
往來稱善丁亥五月洪水泛濫衝斷南岫  
房橋盡赴長江鹽道李苾發銀五十兩縣  
令黃樞督修木橋今被風雨飄零木盡朽

### 祿豐縣舊志一冊

十七

壞縣令劉自唐詳明議修鹽道 劉檄兩  
井會議癸己春黑井提舉沈懋价獨捐興  
修即於是年夏四月告厥成功

### 雙濟橋

在邑北隅路通武定黑井澗水驟發商旅  
難行康熙五十年邑監生唐瑜率衆建石  
橋一座既便利涉又能灌田因名之

### 寶泉橋

在縣北隅二十里旁近大河出有溫泉土

人相傳浴之可療瘋疾其橋創建無考據  
黑井志載係黑井未詳

縣前舖在城內舖兵六名

蘭谷舖西三十五里舖兵五名

南平舖西二十里舖兵四名

白寒廠舖東六十里舖兵三名

祿脰舖東八十里舖兵二名與安甯同應

清水河舖東北二十里舖兵三名通羅次

小灣哨 大灣哨 背陰灣哨 倒馬坑哨

祿豐縣舊志一冊

十八

羅次橋哨 濫泥箐哨 廟山哨 黃土坡哨

杉松坡哨 石門哨 塔灣哨 各哨舊設哨兵

共九十三名各有口糧今俱裁

三家

風俗

二鄉新設係出祿脰過老鴉關要口山  
箐林密行旅不通惟二鄉民出入於此

祿邑漢彝雜處其先土居貓蠻種類不一  
一曰獾子一曰猓獾一曰摩些一曰擺彝一曰獾舞  
一曰撒馬都漢人多屬客寓服勤力穡橫經教  
讀未有不從王化者至



本朝文德覃敷禮教淪洽彝民亦知修冠帶習禮  
義列鬢宮而登仕籍者接武有人

正月元旦祀天地祖先親友之相慶賀  
立春日迎春

元宵張燈三日士庶會構燈棚於十六夜邀縣  
令各官宴飲百姓兒童扮採茶鳴鑼擊鼓官民  
同樂畢各步星宿橋俗名走百病

清明家家拜掃墳墓

四月八日作浴佛會

祿豐縣舊志一冊

十九

端陽擊長命縷飲蒲酒以角黍相饋

六月朔朝南斗廿四日為星回節比戶食生燃  
松撒木末相傳農民驗火色以占豐歲

七月中元祀先焚冥衣楮鏹

八月中秋祀月設果餅長幼宴飲

九月朝北斗里陽登高飲茱萸酒

十月朔日祀先

冬至拜賀各以餠餌相饋送

臘月朔八日作五味粥廿四日設糖果祀竈

除夕春聯桃符迎竈祀祖閉戶守歲  
婚娶遵古禮先通媒妁求庚帖繼請尊長往女  
家致懇具啓下定儀次納幣次親迎筵宴豐儉  
各隨其力  
喪禮三日以內即開弔卜葬殊無停喪之惡風  
俱有棺無槨多崇信釋道建齋誦經深屬無益  
之舉沿習已久實為可異  
祭祀如朝斗俗佛紳士皆然是以愚民大為之  
惑也

祿豐縣舊志一冊

二十

米穀不知積貯器皿多用瓦器

衣服不事帛

冠禮久廢

婦女不知紡績壬辰秋縣令劉自唐出示并延  
善織者朝夕勸諭有耆民林蕃首董率漸次成  
風按風俗關乎人心教化宜講滇南元明以前  
盡屬蠻彝宜乎文章不聞禮樂不興也嗣後風  
氣漸開凡冠婚喪祭諸要事與中州不甚相遠  
祿邑雖小人多以信義相尚恥詞訟安生理亦

醇謹矣獨婦女不知紡績且崇尚道門作齊糜  
費為一疵耳雖教化倡於上風俗成於下奢而  
示之以儉儉而準之以禮移風易俗惟司牧者  
之責也夫

### 城池

隋築驥琮籠城於姚陵元築土為城即巔哀居  
民環處明萬歷三十五年阿克反燬之至三十  
八年縣令向兆麟詳請建磚城一座週圍三里  
高一丈六尺西倚星宿河三面無池

祿豐縣舊志一冊

二十一

本朝康熙九年地震傾數處縣令郭迪階重修舊  
建城樓四座東曰聚奎久閉不行南曰來熏西  
曰河清北曰拱極縣令丁宗閔重修康熙三十  
九年南北樓倒壞東城崩三丈許縣令王毓奇  
捐俸興修四十七年西城裂二丈許縣令黃樞  
修補五十一年奉

旨修城縣城缺陷之處縣令劉自唐捐俸興修完  
備東城樓久廢無存典史趙思忠捐貲重建  
舊制城西倚河三面無池縣令劉自唐開築賽

寶壩自北面而東而南渠水流長可以作池  
本縣西門有星宿橋河東北有羅次河年築六  
壩一名黑龍壩一名摩些壩一名趙里長壩上  
壩中壩下壩灌溉田畝係縣令艾龍創造今每  
年農隙時縣令委員督修工竣仍親詣壩上驗  
水祀神

摩些壩在邑北隅年久荒廢康熙三十五年縣  
令王敏奇勸民開築至今利賴康熙五十年石  
崖浮橋衝決邑監生唐瑜率衆鑿山穿穴而水

祿豐縣舊志一冊

二十二

利不竭黑龍潭壩久沒無存縣令劉自唐視事  
目覩東北南一派赤土惻然憫念因步東河而  
上相度形勢指示方畧亟尋舊溝并創新渠借  
給工本築壩引水四十九年九月興工五十年  
三月告竣百姓懽然勒石紀事因改名為賽寶  
壩云

縣轄大村舊有溝壩灌日久被山水衝沒廢修  
六十餘年隴畝悉為荆榛荒穢縣令王毓奇出  
示招招墾借給工本邑士民何文趙魁聯等首

倡修築自康熙三十五年至三十八年創復如初今漸次報熟國民攸賴焉

縣東右有龍泉一脈先是劉侯其名失傳鑿山穿孔流縣之東南後功半自書一啓明橋民自脩工本開渠沿滿山而下灌田八九百畝

二鄉米糟多係龍泉

三鄉老鴉關河年築十一壩上滿下流每歲爭訟不休縣令劉自唐各壩分設水長一名統立水練總一名斷令先濟秧母循次灌田百姓勒

祿豐縣舊志一冊

二十三

石記事從茲解忿息爭

戶口

舊制元憲宗設縣戶口列為上二三鄉每鄉各有十甲每甲設里長一人催辦錢糧沐莊歸併亦如之至康熙二十七年革去世襲里長名色每鄉按其鄉之大小設糧鄉約二三四人不等總理每村輪報排年一人承催屯衛自裁歸後戶口即附民戶之內惟右衛吳俸爵位坐落邵官屯趙希龍伍坐落草舖戶口隸安甯錢糧隸

本縣後衛邊洪武張俊伍坐落捨資戶口隸廣通錢糧隸本縣民戶如撒甸福海溜居南安之中白龍井襍羅次之內又上鄉之大廠小廠亦復寄糧不應差錯雜不齊總計戶口係三鄉半屯衛雖經歸併亦另設一鄉立鄉約所總共為縣轄之四

元明戶口無可考

本朝合軍民舖堡共二千二百三十七戶土巡檢目兵四十三戶

祿豐縣舊志一冊

二十四

人丁

原額人丁九百一十三丁康熙二十五年編增沐莊人丁三十三丁內除久逃故三百九十八丁實在五百三十三丁後續編補一十五丁共實在人丁五百四十八丁每丁一例編銀六錢五分原額右後前三衛併武定所軍舍土軍共三百零九丁內軍丁一百九十七丁上丁九丁每丁編銀六錢二分中丁七十一丁每丁編銀四錢八分下丁一百一十七丁每丁編銀二

錢八分士丁八十七丁每丁一例編銀五錢  
廢弁舍丁二十五丁內中丁一十五丁下丁  
十丁編銀如軍丁中下例

實在徵收民沐丁銀三百五十六兩二錢  
實在徵收軍舍士丁銀一百二十五兩二錢

田賦屯徵附

本縣原額民沐地一百七十八頃三十七畝  
三分四釐九毫內上則地一百五十六頃四  
畝五分八釐一毫每畝科稅一升五合三勺

祿豐縣舊志一冊

二十五

中則地三頃四十八畝二分二毫每畝科稅  
一升一合三勺二抄四撮下則地一十八頃  
八十四畝五分六厘六毫每畝五合田勺以  
上三則該夏稅折色銀六錢麥二百五十二  
石八斗六升九合七勺九抄內除久荒民沐  
地六十六頃一畝六分七厘三毫零無徵夏  
稅麥八十五石六升一合三勺三抄四圭實  
在成熟地民沐共一百一十一頃三十三畝  
六分七釐六毫零內上則地一百六頃二十

五畝二分二毫零中則地二頃五十五畝下  
則地二頃五十八畝四分七釐田毫以上三  
則實徵夏稅折色六錢麥一百六十六石七  
斗九升二合三勺五抄

九撮六圭康熙三十七年起上五十年續墾  
民沐地上下則一百二畝該增徵稅麥一石  
一升六合一勺內現徵四斗六升四合四勺  
至六十一年增足

原額民沐田四百一十六頃五十四畝九分

祿豐縣舊志一冊

二十六

七釐七毫零內上則田九十九頃二十三畝  
一分一釐二毫零每畝科糧三升一合四勺  
四抄中則田一百三十九頃田畝五分零每  
畝科糧三升一合四勺四抄下則田一百七  
十八頃二十七畝三分六釐四毫每畝科糧  
一升六合六勺二抄九撮以上秋糧本色米  
一百四十三石七升五合六勺三抄一撮折  
色七錢米七百六十三石四斗七升五合七  
勺六抄內除久荒民沐田一百三十一頃八



十二畝八釐一毫五絲零無徵本色秋米二百三十一石九斗六升六合二勺零實在成熟民沐田二百七十七頃四畝五分七釐五毫五絲內上則田九十三頃一十九畝六分五毫五絲中則田一百二十頃一畝八分七釐下則田六十三頃八十三畝一分該實徵秋糧本色米一百三十七石二斗六升二合三勺四抄一撮折色七錢米五百一十九石二斗一升七合一勺一抄八撮六圭二粒自

祿豐縣舊志一冊

二十七

康熙三十一年起至四十一年續墾民沐田上中下七頃六十八畝三分三釐該增徵本折秋米一十八石一斗七合勺四撮八圭五粒內現徵一十六石一斗四升八合三勺五抄一圭至五十二年增足共計原額現在稅糧一十一百五十九石四斗一升六合一勺八抄一撮每石例編條銀一兩三錢三分一釐一毫八絲三忽原額該條編銀一千五百四十三兩三錢九分五釐一毫一絲七纖二

塵一渺二漠內除久荒無徵銀四百二十四  
兩五錢三分二釐零實徵條編銀四百二十  
四兩五錢三分二釐零實徵條編銀一千九  
十五兩九錢一分六零九毫三絲五微五纖  
三塵五渺四漠開墾增徵民沐條編銀二十  
五兩四錢五分六釐四毫八絲五忽二微一  
塵八渺四漠內現徵二十二兩一錢一分四  
釐六毫一絲五微一纖六塵三渺七漠  
原額右衛屯地二頃五十五畝一分內久荒

祿豐縣舊志一冊

二十八

一頃八十三畝成熟屯地七十二畝一分每  
畝照河陽例科稅麥五升九合二勺一抄該  
實徵夏稅麥四石二斗六升九合四抄一撮  
原額右衛屯田一百九頃一十七畝三分六  
釐內除久荒五十九頃七十四畝一分二釐  
八毫成熟四十七頃七十三畝七分四厘二  
毫每畝照河陽例科糧八升一合八勺三抄  
實徵本色秋米三百九十石六斗三升五合  
三勺七撮八圭六粒康熙三十二年開墾二

十五畝照本縣中則每畝科糧二升一合四  
勺四抄增徵秋米五斗三升六合自康熙三  
十七年起至四十七年續墾一頃四十四畝  
四分九釐照本縣上則每畝科糧三升一合  
四勺四抄增徵秋米四石五斗四升二合七  
勺六抄五撮六圭現徵四石一斗三升四合  
零至五十一年增足

原額官田四頃三十三畝六分內除荒田三  
頃一十九畝四分零成熟一頃一十二畝一

祿豐縣舊志一冊

二十九

分一厘一毫照河陽例科糧實徵秋米九石  
一斗七升四合四抄三撮三粒康熙三十七  
年開墾二畝照本縣上則例科糧增徵米六  
升二合八勺八抄  
原額後衛屯地八頃五十畝二分二厘內荒  
蕪九十六畝一厘成熟地二頃五十四畝二  
分一厘照河陽上則科稅實徵麥一十五石  
五升一合七勺七抄四撮一圭  
原額後衛屯田四十頃九畝七分內荒蕪一

十六頃三十六畝八分七厘三毫成熟田二  
十一頃田畝三分二厘七毫照河陽科糧實  
徵秋米一百七十二石一斗九升七合七抄  
入撮四圭一粒自康熙三十四年起至四十  
七年續墾二百六十八畝五分照本縣上則  
科糧增徵米八石四斗田升一合六勺四抄  
現徵六石五斗八升六合六勺八抄至五十  
八年增足  
原額田一十頃一十八畝二分九釐八毫內

祿豐縣舊志一冊

三十

荒蕪六頃四十九畝四分一釐七毫成熟田  
二頃八十九畝七分五厘一毫照河陽上則  
科糧實徵秋米二十三石七斗一升三勺四  
抄二撮三圭三粒自三十七年起至四十七  
年續墾七十九畝一分三厘照本縣上則例  
科糧增繳秋米二石四斗八升七合八勺四  
抄七撮二圭現徵一石六斗七合五勺二抄  
七撮三圭至五十八年增足前衛田地無原  
額士軍丁一丁徵銀五錢

原額武定所屯田六頃三畝五分三釐五毫  
內荒蕪一頃九畝四分田厘三毫成熟田四  
頃六十二畝八分二毫照河陽例科糧實徵  
秋米三十八石一斗一升六合五勺七抄八  
撮六圭六粒自康熙三十七年起至三十九  
年續墾二十八畝二分九厘照本縣上則科  
糧增徵米八斗八升九合田勺三抄七撮八  
圭  
衛所共稅糧六百七十石一斗一升四合二

勺三撮七圭九粒每石例徵條編銀六錢三  
分九厘五毫八絲三忽新墾每石例徵條編  
銀一兩三錢三分一厘一毫八絲三忽實徵  
條編銀四百四十兩三錢二分三厘零現徵  
四百三十六兩一錢三分七厘七毫六絲二  
忽二微九塵九渺二漠至五十八年增足

按禹貢華陽黑水惟梁州厥田惟下上厥  
賦下中三錯厥貢璆鐵銀鏤砮磬羆熊狐  
狸織皮雲南梁州域也任工作貢代代皆

然自唐之六詔明之四府出務為奇橫索  
取奇珍異物裘服異味而民無寧日錢糧  
每畝有徵至七八斗者我祿邑地當衝衢  
兵戎頻加雖婦女不暇安居田土荒蕪供  
賦維艱幸

本朝大師克滇久躋昇平招撫開墾漸漸復古  
惟司牧者加意軫恤培植多方而已